

高

陽

集

高陽文集卷之十三

高陽孫宗雅

門人海內蔡茂

門人茅元儀止生編

壽序

壽憲副惟後劉安

國家列日畿爲九道而止谷縣恒瀛通天室得
專置一道以察文武將吏而制兵民歲庚戌南
昌劉公惟後實以恒陽守來備兵事不佞走又

一稱式序勤惠而公遜于核士馬給饋餼覈實未遑也明年夏五月適公覽潞之辰邵大守武公先期以周令來徵酌者之辭不佞遂掇覈實之說爲公壽蓋公嚮視予壽中正辭則曰蘇公蓄材用練軍實諸畧至既畧至下之虛名而不較之以實及其弊也又舉而廢其名求嘗不啻今天下罷蒞不集于事咎在上下相蒙而應之以應故穀不實困饑不實腹則下受之而實社士不實伍則上亦受之方今上下

洋兵民之衡以覈其實獨守與藩臬耳守親民
藩臬察吏察其臧否而綜名實乃在於民國家
法類十畫一吏跣于成撫卽循名按之可以安
人而遊意于外紂之桀之遂至文不能收介特
而武不敢齡齡于刻手譬之四支自利而自擾
其寧故曰賈賈亂廬窳農亂田夫去亂莫如覈
實而藩臬繇它曹或繇遠郡多至獨執其長而
外以辭承中以意格公方以守來且恒陽樾相
接也則其親民者盡用以察吏故喜不濡煦以

員怒不峭覈以方唯是酌邦伯之區畫以上
填撫而下課諸文武將吏以實昔漢家察其
疑非實者按之曰毋釋有罪爲不苛猷俗吏
飾曰毋以苛爲察公兩用其說以旣一實而
一
時文武諸將吏無察於苛無縱于不苛遠達
追修實政安其私民而至無呼暴伍無脫卒
卽
歲不三黜卒無旁郡萑符之警蓋主上授公
以二十區兵民卽授公以二十區將吏公旣合
二十區將吏以成一實則天子之命與小民

之命始合爲吾身元命而諸文武將吏始得合
四食之實以爲公壽夫天地結大生爲實萬生
結一實爲生而生者之通傳無窮也罔不孚甲
于實而結精于實予觀古豪傑用天地之元命
實其身用一身之元命實天地其機智化于澹
寧法術渾于德識而課功不嫌比竿擗伏不嫌
次骨其以全力用之一區務使恩不下假法不
上因天下于時懽欣鼓舞長頤戴以爲親而神
王氣順乃可以結大年何者豪傑負大任必負

大才當其因才而授自天曰道命自君曰官命
合官於道則天倚爲道品朝廷倚爲官品官不
虛乃實於命其効至於實人國以壽天下故周
家大臣推保又于多歷而曰天惟純佑命則商
實曰天壽平格繇斯以談公可謂大臣矣然予
又聞蘇公云天下不可有僥倖也有一人倖必
有一人弊故養民者去害民養生者去害生蓋
不周之穠食益壽也其中有實也螟不食心蠶
不食節蟬不食葉蟲不食根四食去而實完乃

益壽公服實倘亦覈其倖於食實者易不言實
乎鼎之實豈符願之實遂及民公且惊愕雉願
龜以達上下其終填撫我人而輔金鉉光耽逐
無亦受報於實也善乎長梧封人之比政於禾
曰其實隨予芸而報予夫去害民乃去害生予
固得以實爲公壽

齊封君田太翁序

世稱燕趙多慷慨夫慷慨寧獨燕趙而多用慷慨則燕趙獨耳然燕趙寧必盡用其用之或多燕趙間賢者耳姑無遠引如我郡傅少保又毅楊太嘗忠愍躬之不恤皇恤其它則二公固燕趙間所稱用慷慨者當是時二公之親而在不知視二公爲何如子要之二公不忝其親則二公之親未有不快于二公者濡居燕陲趙際而田氏有諸齊之風故父子兄弟負慷慨之氣爲

多太翁行年八十餘矣其健于行我如壯少而伯子自爲諸生至成進士無不以忠孝大義趨督之也故伯子行多慷慨伯子每以歸養太母不得請爲憾又念太翁春秋高絕意仕進太翁顧促之躬爲駕曰子所拮据若者欲親見若鼎鑪若若爲國計耳古不云乎詹在京師雖有離憂樂也詹在側雖無離憂不樂也若不時時知而遠遯三家丘耶伯子強起授主計曹政太翁又勉之曰勉矣勿以我老耄而遲遲行綴聞

爲容也予業之若委之 主上矣一日伯子念
計曹之政不釋于衷上封事衆或以遺太翁憂
爲解翁顧寓書伯子曰何哉于所促若咄咄者
寧是糜好爵而恢然虛處也無亦堅尺寸乎
主上不恡明恩賁及我父子毋妻而臣子曾不
能尺寸之堅而恡一語其若朝廷何旣聚有口
伯子且謫河東衆或以爲是且憂太翁太翁又
寓書曰士所粲然而不噤者志耳志不抒卽在
朝廷不若河東也志旣抒卽在河東不減朝廷

也勉矣孺子仕路寧百年之步哉伯子奉而南
嚮額手曰井不肖重遺大人憂大人不督嚴之
而色喜惟大人加餐飯無憂井井敢以大人之
身行殆蓋先是太翁以覃恩承勅命矣而季夏
爲弧辰於是伯子持鷺服銀束帶馳上太翁而
同郡遊伯子者爲太翁慶太史氏聞而忻然曰
晉祿名譽聞人耳寧以人閱而驚之谿谷戀之
泥池身不穫而冀登塲於子乃太翁何硜硜雅
識也里居而喜其出爲榮爾宦居而喜其言爲

名聞謫居而喜猶之乎出與言也寧復貌榮名
乎慷慨者幾於道也不以喜怒佐得失不以元
氣佐喜怒矣殆壽徵乎語曰天壽風地壽火人
壽子勉矣伯子養其身以大慷慨之用則太翁
之喜當益大夫楊之翁聞名臣之厲而喜也况
見爲名臣乎故衆以爲遺太翁憂者不識奉太
翁樂也不佞不難伯子而難太翁特綴其語爲
壽

壽少宰復齋劉先生以八表奉母夫人百

歲序

虞丘劉少宰復齋先生以明年九月七十有八
其太夫人章太君以明年三月九十有六禮九
十稱耄而太君踰六矣疆健明聰先生方以八
袞侍几杖不稱老晨日朝牀下拜而拊寢楊問
暄寒遂侍食幾命退乃退日中若夕亦如之太
君時問織綜兩家政先生亦時稱說吉祥善事
承太君歡歲時帥諸子姓稱觴上百千壽凡我

婦懿慶先生更從先生慶太夫人曰願太夫人
百千壽以拊少宰諸子姓願少宰百千壽率諸
子姓以上奉太夫人因念先生爲太夫人乞身
歸且十五年矣朝廷方擬先生平章天下先生
若不聞有以謝傳擬先生者先生笑而不答嘗
作三老歌以見志三老者商老彭周老聃楚老
萊也先生謝商周二老而託于萊無亦老而娛
親有嬰兒之色於先生差近之乎跡其比爵祿
于斧鉞殆隱君子也先生抱平章太畧詎忍一

日忘朝廷然依依南陔必不肯萬餐易之故雖
幄羹鼎以調栢棬卽太夫人亦且安先生之養
曾不強起從世芬當次君在亦嘗分命爲志至
先生猶侍含飴則絕口不言出太夫人真以老
生不出爲當必不移依戀于門閭昔王黃巖以
郎署羈京華其祖寄聲曰眠百歲袒不妨遲十
年官夫重帟百歲待招而歸何如辭三公之貴
于矍鑠卽其祖當寄聲之先繫念數千里外匪
伊朝夕矣又何如太夫人日煦煦安晨夕之養

蓋先生孺慕眞摯旣以維持世綱乃太夫人慧
識遠志寧復世媼割繞膝歡博祿爵者或曰彭
恬靜謝不與政聃隱柱下萊喻齒舌猶聃焉抑
其言曰清剛而傲不肖不可以事君少宰剛而
無傲正恐函谷之氣徹霄不得安恬于王聞且
今天下需正人如屋需棟太夫人世受國恩一
日命先生出而事吾君以平章天下先生寧得
應戀舍館者然予聞世人重爵祿一日去其身
至婦人女子亦惟恐爵祿一日不至其子姓

陳或安煩戀劇以分芳藉華而親更以廣遺德
樂其子姓遂至急于所可補緩于所不逮乃其
究曾不足事吾親安問天下然則唯不以爵祿
八乃可重爵祿也先生中朝舊德寧減彭聃而
出處在握則猶龍之太乃寧遜彭聃而慕萊也
蓋予嘗聞宋任元受事母未嘗離母側至洞見
母肺腑其辭辟之言曰神丹可長年必母遺不
公遺假令丘壑夔龍釋南陔坐政事堂食箸下
萬錢以憂勞天下先生不願也太夫人不爲願

也先生能養太夫人能安其養先生所爲得託
于萊乎抑聞彭八百聃歷三代而美烏真念竟
可與天壤爲無窮乃先生曰彭高聃奇獨于萊
曰平予觀古人平天下唯是老老親親至周大
臣相祝頌亦唯曰天壽平格夫唯平乃格唯格
乃壽拜石得格小夫猶然而况篤摯大臣乎其
自壽以壽太夫人有以也於是嫺懿合辭而進
曰國家以燕陲趙際爲首善瀛近在五百里漸
涵聖化且三百年矣太和醞醞宜有至人以結

大年先生負膏雨之仰其以彭聃之歲僂舞班
衣奉婉姁媚官乎出而膏之其天下仁壽富不
問元爰神丹矣

薄郭封公而峰先生序

兩峰郭先生爲少司馬青螺太翁當司馬理建
寧則潮人鄭君判郡事于時鄭氏子眡太翁若
王父旣司馬繇郎署守潮則潮人又若王父太
翁今年秋太翁壽八十有六司馬以畫錦侍鵠
筇而鄭氏子從司馬壽太翁萬里微言不佞不
佞謂潮人誼厚而司馬德及于潮誠深不然豈
其歷年三十而猶若不忘太翁而以微言萬里
者不佞蚤歲佩司馬文章而束髮登朝又輒誥

其西南大業且以悉太翁之庭學當司馬初入
黥也太翁唯曰無二心亦唯曰勝爲功不勝爲
忠無我念斯其山谷臣而念在朝廷豈惟不有
子弁不有身迨司馬慷慨入黥泣劍嘗膽馳牟
腸虎口間而刈夷定難自謂八年無一善飯豈
惟不有身更若不有家然乞養之疏日聞闕下
而其語寔篤繫者曰呼子之聲萬里若聞思親
之腸九轉不休當是時太翁方以八十壽膺五
封司馬方奉綸誥合文武將吏之祝言上曷嘗

而愀然徼外無能觴膝下也則太翁必且舉觴
南望不憚于衷然而相屬唯曰以愛親之心愛
民卽司馬亦且忍念竟其心以成厥功而後乞
身歸然則衆人不有身以行私而太翁若司馬
不有身以任天下也今天下罷廢不集于事咎
在臣下先家于國以徼利而脫禍於衆如一人
之身肝膽相揆手目不相衛蓋口不爲心譚鼻
不爲心嗅而人營私耳夫營私之心不翅二當
其身有所便至不念君父及其物有所逐遂不

念其身夫身不遑恤而與共天下也故惟無二
心乃無利害亦唯無利害乃可以天下託而爲
大臣昔太翁以家用之趨急難于鵠原活餓人
于蒙袂至司馬乃以天下用之則忠言嘉謀在
朝廷而功成牂牁印熨之間蓋太翁不私其子
以成其身司馬不私其身以成其親耳而世獨
以司馬壽太翁不佞謂太翁之文章德業在司
馬而不自爲用象龍之潛太翁得司馬其文章
德業在天下而無一不爲太翁用象鴻之羽夫

乾之潛勿用而漸漸之初可用蓋其中確不可
拔若不可亂者乾乾在後初實基之衍衍在前
上質乘之彼身不用而道爲可用耳夫勿用者
神全可用者道廣是寧論福壽而况備禍也司
馬且統均四海矣太翁壽日益封日蕃意其誥
誠當唯曰不二夫不二以立命也其以是爲大
機應環中落落豈埃綽綽纓弁祉不盡褻厥躬
道乃克昌昆嗣若予友王季重尊人東海太翁
者少操越紐長薄蕤函嘗負笈而握青瑣竟提

高隱集文

卷之十三

十四

翁壽

賀王岡卿年伯七十壽序

歲乙亥春正月岡卿念翁王先生年伯壽七
其嗣君司馬浦鶴方主職方政假使命便道歸里爲
先生壽于是同籍官都下者從浦鶴以壽先生
不佞某職在修辭且浦鶴同師門也次當搦管
因念先生立朝大節備在中外而康祺多福又
念在先生之身幾無可執爲先生頌者獨念天生
豪傑其進官退家動關天下世徒見安頰戀劇
爲世顯人之華而不知巖居川觀抱幽貞之爲

大故惟天能用天下之豪傑或就所公予以爲
濟或就所私拂以爲維亦惟天下之豪傑能用
兵天或就所顯予陟于朝或就所默注賁于野
益世人急于身以外之爵富遂忘其身及內顧
其身而又遂其身以後之子翼孫謀以留于景
雲之遠乃天之若予若奪若予以爲奪若奪以
爲予其挹注于彼茲裒益于多寡實酌焉而不
可假而天下之小人意所欲百計索之意所忌
百計傾之當其旣索旣傾自快其得志于天而

不知天實爲豪傑留未盡之康祺多福以近及
林泉遠及子姓而按豪傑之所遭卽無小人亦
必有然者而小人所矜詡造化固揶揄之矣然
則天下之君子若以其道德仁義不便小人之
貴富而天下之小人反以其權力機術助成君
子之福澤乃知天生君子以攝小人而世有小
人亦以成君子也當癸甲之際要人之雄抗公
議以薰燎世俗而天下旣藉以邀潤屋之微澤
時亦有張聖賢之籍者以慈菴聲名奔走天下

而身私託公行汚寄治天下紛與其衣飾以分
宵燭之末光蓋一時就以爲利抗以爲名謹然
如啜熱羹而不知置也譬之宅庸神于偉幹而
筋骨挺解四支委隨無待顛胸而知其病者先
生于時懷文抱質恬淡寡與卽避權遠賦而未
嘗浼人以自潔未嘗列人以自全乃茂勢而爲
勢所扼矣茂名而爲名所指矣故其身終不得
安朝廷之上然而後賢相繼登朝旣以補其未
整而十餘年來身益強健道益尊崇一時遊名

勢之場者久而服其大譬之登高眺遠務極峻
搜而力罷氣索亦復羨臥遊之爲安然則合先
生所進而謬謬用于齊楚之實退而冥冥用于
林泉之大殆天所以壽先生而先生所自爲壽
也蓋豪傑用天而爲天用也唯此身不可磨之
氣先生冷峭妙附疑于孤高然而昭融宣朗其
氣之精萃直與恒汾俱遠至其貞不經俗行不
近名則淳龐渾厚又以還天地之元樸而維近
世慘澹澆薄之行且九陔八埏合爲一局而朝

廷非豪傑寧久草澤非豪傑寧光故要人能錐
忠直之彩不义朝廷而必不能奪幽人之貞不
光草澤是豪傑之材人忌其成而天實留遺老
以膺世之顯名使其康祺多福以永錫難老者
鼓動一世之人心念天下知身佚而及其後遇
絀而永其身天身與世孰多過與年孰永然則
謝不待年官不滿德殆天所以壽先生而先生
所自爲壽也予不佞幾無以頌先生矣雖然先生
生旣以豪傑之材用天自完而其嗣君浦饒

以逸羣絕倫之豪傑蔭藉高華以履錯名世二三兄弟竊願用先生之孤峭束修至行用先生之模忠剖拔世局蓋惟以紹行庭開爲世而不以傳襲青紫爲遠則先生之精神命脉得後人而益光乃不佞輩所爲壽先生也于是次其辭從浦鶴爲先生壽

壽述庵楊太翁七十序

蓋聞家之親三士之行百而九族繫在同祿一
至輒稱小雅故大人修平章于地星匹士醖玄
漠于篇行而情緣害性疎分問親述至豆味同
根瓜謹抱蔓綽綽不賦洩洩希聲而况風撼鳴
梭波索雁影言非味尚可食也豈非衣尚可案
也其有遠聯鼻耳之懿親近篤玉金之友愛氣
既敦于連氣生不愧于復生而翰兄子于莖孤
比仲叔于嚴父則亢小遂計久長發念已躋仁

焉豈非德擅獨行之堯舜業微一室之唐虞哉
文寧待採龍珠于一圓臨錫芝于三秀而脯璧
貨麟蜚乘赤鯉乃翩翩乎仙也予友楊任南仲
父述庵太翁少從硯比長避密東良俠和以龍
謙心勇合于布諾謝卷同居之雅姜憐其被之
仁風雨已驚心于歲月冰霜尚疑夢于雲天而
歌據方標杞梓撫林輒感八琴于時任南君饒
饒頭玉嶽嶽情峰名義先關蠟風清操頻發
麟而循陔徒勤趨庭何學翁于時感雙璧之既

剖撫我明珠念義之中折祝爾佳器爾其調駒
于龍文助長風于萬里飭敦厚於刻鵠防佻薄
于焚蕤春煇野渡憐小阮以儼門宋豔班香祝
阿宜子穉第葢芝蘭玉樹願長庭皆竹室銅盤
獨隆周慎而一枝攬秀于桂林則三荆之欣聚
也九苞刷羽于騶鳳則四鳥之悲鳴也蓋恩流
德秀之遄逸警淳予之握真冀以光我素業醜
彼先謨營門戶之寄于環圖將相之寄于倍寧
獨希蕤私于烏衣衡不凝于回策哉而任南君

方且撫研泣心提觚管膽防閑過于伏波絕管
私于文正率仲容之賢邁跡諸逸佩幾卿之訓
自致青雲迨夫玉筍蜚香花封騰茂一脂鴛羽
遂重蒲輪爾其懷三釜于匪義而速諸父以樂
之傷累袖于不逮而藉猶子以尊之然後知八
分亦足以張吾十起不減于過久而弟不忘兄
其敢忘兄之子遺子不忘父其敢忘父之介弟
既屬屢于膏澤龜壺更光融以令名上善於休
哉玄微妙析于牀頭湛所以服濟也才略展錯

于泚上玄所以副安也五禮借封于兄子微斯
以撫慈也樂安分爵于從兄基所以報壽也孰
與三珠不婆于榛櫟四壁自絕于雀鼠廬室獨
承于荒墳旁裝克紹于薄遊而吹簫和塤不間
于隔優龍劣虎乃底于成昔人不云乎兄子已
子不以已身爲親疎各子各妻終繇篤厚爲悖
慢蓋人身之壽命如人代之網維朝不欲有全
軀保妻子之臣家寧宜有偏愛私貨財之督而
翁能戒尺斗之不容痛花夢之既錯永矢紫華

之威堅持黃葉之箴則順氣不隙于妻孥和衷
獨葆于肺腑又況乎晚食安步不鱗世餌琢玉
追金蔚爲國寶則神完家嗜愛廣成人而氣順
者內息不干衷和者外設不沴神完者集百順
以承眾福愛廣者合眾懽而延大年其視情塗
軫于紫風氣崖類于沉念寧超起淦霞之孤樓
以俛蓬螺鍊及景之精氣而嚇鼠腐哉我聞紫
山之液煉則飛仙黑山之芝服則五百而翁以
和順徵爲服食德愛疑爲丹液卽兄子紫名

足以加一匕而陳人俚語寧堪祝曼齡乎無亦
覘九族于三親窺一至于百行標維移之清衷
爲門閭之赤志云耳

壽劉伯母章淑人九袞序

虞丘于高陽樾相接也故兩地多甥姪兄弟之
好卽內德或以相聞往予在諸生輒聞劉氏有
佛子之目蓋是時太翁以臬僉里居而兩侍郎
公方以名德官禁近太夫人時佩儉勤佐太翁
綜家揀而督兩公于醇和諸所振務庇人避津
讓路曾不見業競于里名競于朝而厯隸駟于
櫟願卽族子無敢復豪于里故捫內外雖雖如
也肅肅如也斯何假尋歡喜之園對醞醢之活

乃稱三慧哉洎予解褐登朝則長公旣以不合
執政輟講還里而次公無幾亦以太翁罷鎮歸
予間讀長公五情三樂諸疏什抑何宛委篤摯
至稱石門孝友萊舍斑斕遂不知天壤間更有
累累若若懷黃橫玉之輩唯是日與次公侍太
夫人匕箸爲娛樂歲時誕日更迭稱觴上曼壽
嘏或奉板輿周覽知原堂是時兩公德善勛等
中外共推而長公以太夫人命命次公出効干
國乃獨以英身依廷帟一葢長公陳情固曰

主欲篤其志體臣不廢其孝兩公殆身有之歟
夫世之大爵顯名拖朱曳紫有之至兩是二難
同環大列則難卽父子兄弟門戟牀笏有之至
踰七望六侍九袞于諛背而歲稱曼壽則尤難
然則繇斯以論太夫人之德福寧待衆明霞飲
沆瀣汝勝鬋御颺輪始翩翩僊僊也豈自古賢
母以其子內或無以報朝廷以其子外又或無
以娛膝下太夫人獨以兩公各分其責共成其
大則乘軒結駟之榮兼舞綵厠踰之樂而太夫

人始以一身收忠孝之實于兩公又聞大夫人
佐太翁教兩公也其操直如程夫人于二蘇其
學道如侯夫人于二程其勅從正人不諧不諛
如朱夫人于二張以故兩公以直亮公忠仰承
聖天子寵沃而抗權遠賊各以其身繫天下之
重則太夫人于兩公不獨屬廢于膏肓癰澤而
實光融以上善令名且長公身依太夫人而天
下正人君子惟恐一日不出次公心依太夫人
日夜乞歸而天下正人君子惟恐一日或去故

天下望兩公重則願太夫人深而一時能言之
士既頌德于慈謨且祝福于遐算乃知太夫人
以閨閣之身繫天下安危自合天下之祝願禱
頌以爲壽又寧獨鶴髮鯢齒絳色麗眉之爲稱
也宋張平章母八十餘至勤人主嘉歎福壽賜
手詔存問乃賈叅知母遂蒙召見賜坐賦詩比
教子于殯母今主上孝事慈宮方且召長公
于田間與次公共秉國成一旦詢問大臣母夫
人如先朝故事宗不斐尚得從吏局贊一辭哉

春三月之九日爲太夫人九十悅晨長公帥諸
子姓朝南陔次公亦以其嗣君從夫人相次舞
階下知太夫人喜爲加一七也不肖兄弟辱在
嫺屬敬修酌辭從次公以達長公而進太夫人用
佐鳳笙之祝長公幸領而旅進之曰可

壽李太君某太夫人九袞序

蓋天地冲和淑嘉之氣散爲吉祥善事結爲太
年若聽天下恣取而不爲禁然符乘籙應默有
綜核其抱直而往如質當之家必有一物爲質
然後隨所意欲恣予之而不恡故膏粱紈綺或
凋耗不能留而孤鈎寡弭至戩穀多益永錫難
老蓋六一公曰有力而不好好而無力雖近且
多有不能致予誦其言爲近之予同年李以任
給諫王母某太君當其相南里公郎民部則中

翰公泊陳孺人實奉板輿太君于是時撫佳兒
佳婦含飴爲樂矣旣融融化爲呱呱而乳婆藐
孤操作佐讀其茶寧堪茹焉無何以仁成進士
爲天子耳目之臣稱名給諫于天下其奉太
君不獨以蟲醲香澤而直以上善令各當是時
李氏之天始定乃予謂天道如家然家之儲衆
用之易盡卽一用之而衆亦易盡唯南里公父
子用德饒用世寡天若厚負其質而太君以孫
謨爲子翼以栢椿比于須臾丈夫其用天益寡

詞以一身承所久負而天之倍償之必大而且
久蓋南里公不以子若婦遺太君而遺之孫子
若婦不身事太君而以其子若婦代所事故拮
据十兩從之既失倍昔也雖容于一經之既成
倍樂也然則太君之壽天藉以成給諫亦藉以
償太君而給諫之用遠則天之償之未艾蓋天
生英賢以砥世流必先留聖善以撐拄家乘而
太君以中閨之身萃天地之冲和更留其餘生
成名世以補淑嘉于大造而佐朝廷耳目腹心

之用則太君不獨用天寡而且厚予其值于天
給諫以少年娓娓談天下大政若傾所素注而
不佞不激蓋有遠局焉則天又若重負于嚮而
且厚取于今我且得徐計其質以券索于天鑑
斯以譴天之償太君果未艾而太君所自爲壽
也卽摘寶文之初蒞拾穆陀之末葉寧足爲壽
太君者然予往聞龍山晉澤間有鐵鏡焉其背
之詞曰金水精日月光鍊大陰獻尚方風雨開
離未歲軫百積壽且康此其詞倘可舉爲太君

毒乎抑以鑑隨違爲應具有天道其大善多福
天鑑實式臨之乃太君謂未亡人久不窺于結
鏡尚以授孫子其辨忠邪分白黑也如鑑太史
氏聞而頌曰予方以天鑑屬太君太君且以人
鑑屬給諫夫微天以人給諫之用鑑遠則太君
之德益大天則久敢以爲太君壽

壽李年伯母張太恭人七襄序

予友李季重贅岳一官而嶄嶄特立生平耻市
盈于修橐而戒盱衡于噉名曰先大夫之訓也
母夫人之所安也今年冬十月之某日爲太夫
人悅辰一時同籍官都下者修酌爲太夫人壽
而屬辭不佞因憶季重述家猷嘗語不佞曰母
恭人性正而靜歸我先大夫遂佐先大夫囊雪
之苦以仰承我王母卮匱歡當先大夫單車之
隴西家無介備而代條董董至拮据于大故而

先大夫三千里歸無纖慙也家政肅肅嚴如朝
寧訓藐諸孤爲節介諸冢介及臧獲慄不爽一
武蓋先大夫貴而能貧恭人怡然安之卽不肖
亦得効先大夫之貧于貴以安吾恭人不佞聞
而忻然曰安賤之貧易安貴之貧難太夫人之
安之也太夫人爲壽矣昔謝太傅居東而內諷
以家聞之富不安其貧也陶大夫務大而內諷
以令尹之貧不安其富也然謝婦不安貧而謝
耳小草于後陶婦不安富也而陶已大競于先

其執與太夫人貴而安貧之怡然于前後也
人當負戴黽黹似猶眩然未得之虞人之先
之既得之虞人之奪之希于不可知之境圖貽
于所不可知之人然石生璞而剝水生蟲而食
天下貴富之物誰非銷我氣神者故捐一切而
聚貨貨聚矣捐一切而聚神神聚矣君平不云
乎益我貨者損我神柰何以神易居奇也漢太
尉震以四知自將以清白遺後無論後人世其
素風而凜然于天地人我其人至今有生氣寧

至如曹棼李志奄奄人世且意其家婦子蕭蕭
相與安于清白而無交謫遂以共結無窮之休
問于百年萬億而不朽然則清白之遺遠而奚
問鮑齒鮐背爲壽也夫人遺以危我遺以安昔
人言之太夫人以身所以安者貽季重而季重
宦轍所至無不拾清白爲橐是太夫人以安遺
後人而後人安太夫人所安以相衍于無窮太
夫人所自爲壽也又何能以燕喜多祉爲太夫
人壽雖然漢間之祿地九世而不收其所取謹

也天子人時有河雍之賞而人或不其沙石也
再世而收矣願季重砥清白之遺比于漢間是
天下所不爭而世世食太夫人之遺以安太夫
人于安也敬以是上太夫人百千壽

壽吳年伯母史太孺人六十序

今上辛亥之明年歲正月吳上于翰編母夫人
壽六十今年夏四月上于圖歸上曼壽適當事
不得請乃具疏控陳至于主上亦若鑒其懇
衷者特予歸不佞猶憶上于登第後不數月輒
歸歸輒戀戀以身依太孺人膝下每從郵筒談
芝蘭玉樹相次朝南陔而含貽舞彩致足樂也
數年而北則又戀戀以心依膝下而車方駐再
疏歸矣卽今讀其倚門伏枕之辭抑何宛委爲

攀至曰爵祿亦人情所愛而較性命則輕母子
本天性之親而當疾病尤甚遂不知天壤間有
紫雲若若懷黃握玉之華吾儕欲從上于祝禱
筮毒顧安所從置一辭者念上于以上第爲
天子侍從間者奉制詞命服以進而珠襦霞綺
在側瑤漿琬液在俎計太孺人撫而喜曰此未
亾人脫珥之遺也加一七又念上于以直亮博
碩仰承聖沃而東躬潔已祗節首公以身繫天
下之重則太孺人于上于不獨屬饗於膏粱

澤而實光融以上善令名計太孺人撫而喜曰
此未亡人和膽之遺也加一匕既又念驟貴而
喜者必其嘗驟貧而蜚彼其眎貧若不可一朝
居而立就通顯之爲快太孺人當結福時輒歷
富貴之會卽母家數十萬之資散落何人相眎
爲空花幻泡曾不一意蒂于中今上于令德榮
名豈不堪朶願獨竊計太孺人必且俛靡而醉
曰先君子以藐諸孤遺未亡人一旦微主上
寵靈亦唯是遺舊登獲于孺子敬姜不云乎疇

則勞勞則思沃則逸逸則忘未亡人去沃卽瘡
得勞于善以無隕先君子之問孺子方去瘡卽
沃尚忘善是思以圖報上思而念先君子卽
未亡人尚有獲于孺子當是時計上于閭而唯
唯頓首受命稱曼壽蓋吾儕所來以壽太孺人
太孺人冲平不自有也安所置一辭爲壽然予
以爲是太孺人所爲壽也何者炎冷之場人情
易感卽須臾丈夫或意隕秋蔕而氣揚駿佩若
夫剛潤之秀釋其執精形骸重標兼旦之纖華

而縣投以推布中更孤幼寡母以慈謨代養方
之訓幾二十年而閭閻干于如也响响如也不
聞以一語傷物此其中豈以物喜以已悲者夫
不可詫詫不可嘆嘯不可憐愷不可宴娛古云
我守其一處以共和故千二百歲而形未嘗衰
無亦元氣不佐喜怒則氣固真神不撓境遇則
神全太孺人方且會天地之貞一以爲福德而
一時能言之士尚不得以裳明霞飲沆瀣侈其
絳色麗着之似而乃掇拾乘軒結駟之華以張

太孺人榮遇哉在昔桓少君屏侍御服飾提甕
出汲而傳于及孫貴昌三世此天所以啓鮑氏
也上于令德榮名不翅鮑氏桓而行汲挽甕之
風實在太孺人乃獨鵠之盛倍愴于桓然則天
之啓吳氏遠矣

劉孺人六十壽序

余讀戴記稱母偏親父偏尊比于天地水火及
讀易至家人則母與父並稱嚴君而列天地之
大義乃知記之譚特世媼俗解而嚴固母所以
成慈也予邑王太君殆慈而嚴者太君爲今駙
馬都尉王明先母蚤以都尉貴封孺人而文林
公均得稱太孺人今年夏六月悅辰且週甲矣
都尉將率介弟歸稱觴而同郡交都尉者以不
佞屬在葭莩誼得修祝辭佐都尉壽太君余聞

太君性慧爽雅有介分背諶之家操不異椿庭
其于拊肺懿親若族里倫不貴加笄不厚遺釵
不長挾而咽言不槩及絮纓鐘區不槩予榛栗
脯修之問不槩出意俞則都尉若兩茂才唯唯
不敢謂不俞意拂則又否否不敢謂不拂至都
尉兩茂才事當則太君色喜不敢不力不當則
色不喜又不敢不更夫以帝稱阿家主勸
懿受謁乎中堂東序以成國家之美豈不
併而跋跋讓齒婉婉朶頤亦可謂宜

俾月望矣若夫玉鸞之夢初踐鐵簪之畫方存
佩刀之恩未艾袒裼之報方殷而家稟銅車之
訓室糜銀塹之華寧獨警短檠于斑管抑以眎
墨帷于金屋也蓋太君以口授爲義方而三君
仰慈闈于嚴父以故都尉抱忠孝大節侃侃論
天下大計雅不欲白紵于秋葯陽阿之間而兩
茂才翩翩豪雋亦且搏南溟之九萬斯亦嚴之
効已余請終嚴之說于家人以壽太君蓋人之
壽命如曆數而精神之在人如天之有紀綱紀

綱不維不恒張精神不歛不恒運故嚴以象風
火之不可狎乃可久而恒而家人六位之中巽
以閑劑愛以威調嘻以嗃反亦唯是維之以嚴
使父子兄弟閑以未交嗃以未失威以終吉則
一代之祚永孚于休而此身之精神有所歛而
恒運亦如天下之紀綱有所維而恒張故家人
風火主嚴而必象曰恒恒者天地萬物之情所
以立命也而惟嚴斯立故嚴用之國綿曆用之
身延年頃都尉君以斷望 主上尚猶用此道

也斯太君所自爲壽哉柱下史聞而忻然曰泰
之帝社繁于歸妹而三以剛主泰道在不遷遷
夫不遷爲慈也主剛爲嚴也嚴成其慈而上應
殺手之社太君之恒德遠矣遠次泰之義合家
人爲太君壽

高陽文集卷之十三終

高陽集文卷之十四

高陽孫承宗稚繩著

門人茅元儀止生較

策疏表箋講章

廷對策

臣對臣聞帝王之恢鴻業而經遠猷也必有不
自逸之心以勤天下而後可以握天下之治本
必有不自用之心以公天下而後可以收天下
之治功何謂勤涵諸淵微之中達諸經綸之際

內與外不貳其衷始與終不攜其念操精明嚴
恪之慮以風厲人羣而無敢戲豫者是已何謂
公矢諸宥密之微通諸任用之顯上與下聯爲
一心遠與近合爲一體執含宏光大之德以天
覆埏垓而無敢暱私者是已
有勤以爲之運則
精日與天下相流通而上不爲隙下不爲乘天
下日以精飭而運治之本以端有公以爲之主
則神日與天下相浹洽而上不爲侵下不爲曠
天下日以神孚而圖治之功以舉古帝王所以

身不下階序而憂勤四達于寰區道不出庭幃
而覆露遠施于海宇用此道也不然勤之不繼
而徒以其督責之術爲把持則精有所不通卽
規恢日課于外而祇爲法制之羈何以布一人
之志意于天下公之不舉而徒以其總攬之權
爲伸縮則神有所不浹卽威福日歸于中而僅
爲粉飾之文何以被天下之功用于一身此近
世之陋術後王之淺效也其上以希綱紀法度
之調而下以責輯寧安攘之治也其道無由矣

欽惟 皇帝陛下撫盈成之運當鼎盛之年有
聰明睿智之資有孝愛溫恭之德寬仁博厚之
澤與河海同深神武不殺之威與風霆並迅蓋
已收太阿于掌上臂使指而必從鼓大治于域
中網在綱而不紊天下喁喁然頌唐虞仰堯舜
矣乃猶不自滿假進臣等于廷俯垂清問惓惓
乎詢無爲之治而有共念分猷之思也此其心
真不自逸不自用之心乎臣伏處蓬蒿聞于治
禮然不敢默默也臣竊念人君之于臣任使久

或厭薄其言而獨于其始進則導之言而猶恐
不盡人臣之于君則歷深或顧忌不言而獨當
其始進則言之盡而可幸以無罪故臣且願罄
生平而盡言焉臣聞人君之理萬民也猶天之
育萬物也天以其於穆之精不息之機握于洪
漠之表以昭帝載而揚詡之功日著于群生卽
以其四時之佐五行之吏贊于亭毒之時以屯
玄功而行生之宰日流于萬品故人君所居之
位曰天位所抱之德曰天德如其一念自逸則

頃刻忘君天下之心何以法乾行而屬臣下以
瑩精太平如其一念自用則獨運非盡天下之
謀何以代天工而成君德以無教逸豫故勤以
運天下之大化而宵衣旰食不先其身而後天
下者人主所以有爲也公以寄天下之大權而
任賢使能不矜其長而怒天下者人君所以無
爲也蓋惟君所其無逸而猶忌嫌疑毫無所加
于臣得以畢力于人而不馳其神于法之外
亦惟臣代其所勞而以腹腎腸毫無所匿于君

以其君得以坐治于幽清而不役其神于法之中是以古之明君不以兢業而廢恭策亦不以三策備舉而輟兢業古之良臣不以艱難而委乎治亦不以平治無虞而忘艱難如堯以欽明爲登庸舜以溫恭爲開詢啓萬古之文明而不自功開百王之治緒而不自有故當其時禹殺夷臯忘身家而殫心思四岳九官十二牧啓耳目而綏遠邇日以庶事萬幾經理中外而堯舜于省成率作之外不爲侵以示之隙蓋其求賢

勞而不自逸故其得人逸而不自用然則唐虞之治固臣之力而實君之力歟洪惟我太祖高皇帝肇造區宇飭勵臣工其諭廷臣曰朕親書以元首喻君股肱喻臣自古君臣本同一體君獨用則臣職廢臣不任則君事勞諭外臣曰賢臣之事君也視君如親視國如家視民如子凡可以安國家利民人者知無不爲若避難而憚勞則事不立矣夫以太祖神聖而所求乎臣者如此故其時去天澤之屢以蕭堂簾而掩

合之氣日聯于一德効天地之泰以通上下而
咸熙之化日普于兩間則其業侔勛華而世礪
唐虞同其率作之勤亦其任用之公蓋得臣之
力也而微獨臣之力也十一朝仰同心之誼億
萬載宏保治之謨豈無自哉至 皇上紹述而
光大之祇適先猷精思上理比年以來洽天下
以致厚之福肅天下以震疊之威雖深居而勞
務常親雖靜攝而章奏畢覽兢業遠同于堯舜
惕厲近符于 高皇同宜襲珪組者暢仁風安

采麻者樂世業青衿有棧樸之休比屋有絃誦
之化兵食足而姦宄消禎祥呈而災祲退于以
表獨斷之治可也夫何心勤而事左志切而效
疏吏治非不日飭也而貪婪屢見彈章民生非
不日厚也而流離益多于國奏廣勵學宮矣而
詭譎公行于達掖表別井閭矣而澆薄日甚于
粉榆甚之司農仰屋于持籌軍中作好于執務
姦宄狙伏于犂穀沴異迭見于天章誠有如
聖訓所謂事左而效疏者則以浮虛之習勝誠

情之弊滅避難憚勞者多而殫忠竭勤者寡也
蓋聖祖固懲言之矣何也上以實責下而下
以名應上則虛浮之過也上不以法設下而下
敢以法逃上則詭憚之過也浮虛則實亡詭憚
則法壞是惟有忠信誠慤之臣而後有清和咸
理之治有精明強毅之士而後有整齊嚴肅之
功故得人以飭吏則必衆酌臬于簠簋將苞苴
絕而暮夜無投金之吏矣得人以安民則必絕
逃亡于笭羅將案牘清而部屋無懸壺之憂矣

得人以正士習同風俗則必重行誼于提衡最
等威于奢濫竒袤之行移郊遂仁厚之德澤濫
間左矣得人以司帑藏實行伍則蠹食不假公
以實私橐債帥不行私以弱公卒將冒濫之費
清于根源占役之苦均于疏通矣得人以上格
神而下固吾字則消萌于未然以伐其姦修救
于將至以預其備將要荒濯洙甸內匪洽而地
天効禎山川呈瑞矣蓋不自逸故不自用惟不
自用乃不自逸然未有人主之精神與六官不

合而百事得人者亦未有大臣之精神不自
合以合天下而萬幾得理者何也天下一身也
腹心與手足不貫則手足失持行之職天下一
家也主伯與亞旅不接則亞旅無左右之能臣
伏讀 聖制曰朕凡人臣自爲讎鮮不滅者謀
國則否臣以爲欲臣之身視國也則願 陛下
勿自逸于身而身視國也臣又伏讀 聖制曰
人臣自拮据其家無愛力而讓能者幹國則
臣以爲欲臣之家視國也則願 陛下勿自逸

子家而家視國也蓋上行之則下必効之君好
之民必從之然以臣視于天下之人心虛浮誠
有而約結更甚于虛浮翫惕誠多而掣肘更甚
于翫惕頻年以來衆以爲不可行而堅意行之
行之而卒無害也衆以爲不可格而堅意格之
格之而又似無害也故聖神之名獨歸于上愚
陋之名偏歸于下自予以神聖之名則矜與
相生而俯視天下無可與共功乎天下以愚陋
之名則情與鄙相待而日傾一身無能與金智

是始以逸成其私終以毅成其逸也獨不思
氣之難熾而易糜也其燭火也傾江河以沃之
而孰厲其氣士節之難植而易折也若秋蓬也
振迅颺以撼之而孰立其節假令舉朝咸化爲
撓指之柔而一人獨成其剛復之用無乃自逸
之心愈遂自用之心愈堅而身親事家視國者
愈不可得乎蓋臣竊願有獻焉臣聞人主之精
神日爲天下所繫命天下之命脉日爲人主所
注神顧人主無所注則必有所煬有所在則必

無所寫故欲無遺埏維之退必不耽几席之逸
欲無狎龍德之臣必不溺燕尾之寵欲無拂
牘折檻之直必不任讒諂面諛之口然其銷
剛心而救寒正念者莫如利欲此唐虞諸臣
請格其君子勛華而辨其道于無微者也伏
陛下法乾之德以去其自逸愆天之時以去
其自用洗濯其利念以與天下更始而夜分
諸法鷄鳴御朝使勤與公合也天下幸甚臣
愚幸甚
臣草茅賤士不識忌諱干冒宸嚴不任慙慙

隕越之至臣謹對

災變陳言疏

奏爲天心仁愛異常 聖意實修特切懇乞
除弊政以圖消弭事臣頃聞雷火燒燬長陵
明樓不勝驚懼旋奉 聖諭諄切其自責則曰
哀痛悚慄誓修實政其飭厲臣等則曰在京文
武大小官員俱着痛加修省盡心佐朕共圖消
弭毋事虛文臣有以仰見 聖衷勤懇真足挽
回天意慰綏 祖靈既可無俟臣言而臺省公
輔俱有論說又可無需于新進小臣矣于天

聽第臣雖么麼下位然亦有盡心佐陛下之
職分且拔自草茅詔直史館向者拘于尺幅未
盡衷懷而陛下修省之旨大小官員俱着盡
心是聖意原不遺于微小而臣亦可得以言
進臣聞尊者之勸誠人也始則徐導之不從則
漸以色加之又不從則聲色俱厲而又或怒及
其尊且親者以倣之今孝陵災于火皇陵
災于雷長陵明樓災于雷火此亦聲色俱厲
之時也而况又最尊且親者乎願頻年以來災

異雖仍而宣捷獻俘之慶屢見修省雖勤而遊
觀快意之事不輟故廟堂不聞罪已之詞海宇
鮮哀孰獨之政天心愈數而愈屬人心愈數而
愈玩厲則不可久維怒或變而爲忘玩則不可
久恃平或易而爲傾然承其怒勿致于忘持其
平勿至于傾總不出 陛下悚慄誓修之一念
而實之與虛如噓之與吸噓則成溫吸則成寒
臣請歷數今天下之所不便而後可以按病以
投之劑蓋天下之大義上與下皆有事于天下

而分不可越勢不可倒今郊社禘嘗天子之事而盡以委之臣下錢穀兵刑臣下之責而或以攬之朝廷才聚而上謂之升而反投之野財散而下謂之渙而反壅之朝爵以待忠賢而或賜于宵小刑以待惡德而或加于正人忠言逆耳刺于行而掩耳不聽妄說遜心蠹于國而開譏以延人可進而恡予進遂令進者解體而無固志人可退而不予退遂令退者藉口而有競心欲爲明而反以傷明欲爲威而反以傷威方茲

之所不及簡而乘爲竊威之所不及臨而緣爲
假當今事有可爲者臣下得以上所不爲而聚
罷之事有不可爲者臣下得以上所爲而槩成
之上爲下以代其怨下托上以行其私天何忍
以祖宗艱難之天下而令屑越如是陛下
何忍以上天仁愛之真心而玩棄如是臣爲
陛下計曷不坦然布其心腹腎腸于天下而藹
然收其手足耳目爲一身六曹之柄還之六曹
勿以總攬之名成窺竊之實臺省之言付之臺

皆勿以狂躁之戒開熟悞之途侍講讀者日令其親就勿徒以空言爲啓沃直史館者日令侍起居勿徒以章奏爲筆削至于二三大臣時時延見時時論說諭以同心輔政若五味之相濟而不爲同若兄弟之相友而不爲異可進則進誠心以任之而不猜不忌以展其能可退則退除禮以優之而不羈不桎以全其節在陛下則總攬大綱躬親大政嚴于敬民勤于法一祖不侵其權乃可以責其曠不掣其肘乃可以盡

其心且頻年以來上與下相隔中與外相否惟
是礦稅耳夫財竭于下則致怨者深聚于上則
生心者衆其已聚之上者或不肯散而方取之
下者斷不可復復之不罷則怨盈于天罷而不
復則思徹于地且此事一罷則清明湛一之衷
如日中天何難于朝祭何厭于陳言何罪于園
室之官何苦于銓補之賢將一舉而上下相通
中外相慶國計運而不積人心宅而不營所謂
誓省實政者不竟爲虛文一陛下試思礦稅當

此時不可以已乎臣廷對之時曾以不自逸不自用之兩言進而總之在去利欲望陛下爲堯舜而臣得以處唐虞之世綴乎禹臯稷契之末謬蒙採擇擢以上第而賜之官乃數月以來聖心深微不可測而未見施行者何事夫因其言而錄其人乃錄其人而不用其言則是陛下以制科爲故事而臣徒以口語蒙陛下之錄用如古董賈之流而不適于用是聖明輕于官人而臣倖于得位也臣竊羞之故不勝

懔懔因雷火之異而稍申前說以盡其愚伏
冀陛下留神觀覽稍見施行使天下後世歸
陛下之明不遺微小而重制科豈非千古盛事
哉臣不勝大幸臣無任願越待命之至

請宥戚臣王昺疏

奏爲言臣既釋戚臣當原懇乞大霽天慈以宥
懇愚以全肺腑事臣竊見故駙馬都尉王昺以
四十三年蒙欽譴于今六年矣昺與臣同里當
臣請告里居各遭病喪不甚往還頃臣以陞任
還朝詣昺苦次見其貌瘁神傷鬢鬚半白蓋泣
然涕下自悔以懇愚負 陛下深恩也臣忝居
侍從竊見昺躬艾已深未蒙恩貸卽昺不足惜
乃 陛下于肺腑親臣畢世而怒其關係 聖

德甚大遂妄効款款之愚惟陛下垂察焉臣
聞延慶長公主無嗣其墓在都城西曷旣棄遠
誰視松楸一坏茂草幾髣孤鬼曷一念及未嘗
不涕覆面也嗟乎生爲帝女歿爲餒鬼陛下
忍之乎延慶固聖母愛女延慶逝止遺一女
嫁彰武伯嗣子曷一棄遠遂成生別母恃旣絕
父怙終遠臣猶憶此女納采之日皇太后問
遺絡繹不絕卽陛下嘗累有錫予竊意曷卽
有罪仰希天慈陛下何忍使聖母遺棄

不竟于延慶而乳乳弱息思母思父無已時乎
陛下同氣幾人在者惟瑞安長公主耳潞藩之
厚非它臣可希卽都尉煒倍受恩澤都尉拱宸
得官族嗣臣知陛下篤念同氣不問存亡獨
尚以慈恩自取棄遠然陛下天慈篤厚試想
聖母愛女深心必有不忍于妹而念其女者悉
便曷不與兩都尉同乎尚天家貴冢也一朝棄
遠溷雜隸氓步出里門人不讓路臣頃在里中
聞大行皇后喪議迎訃詔而曷遂自列廢人

不脩紳弁卽其母歿例有恩卹而不敢請每撫
棺流涕自怨其以愆恩累母竊見 陛下下兩
都尉予官階予有與而爵不能及其母曷非水
石豈不知 陛下勸懲大法而痛自創艾且若
簞食粗衣稅胡不快心而曷獨美忠直爲言
陛下覽天朝掌故二百餘年來曾有幾都尉言
者曷誠懇而志潔行芳可爲戚臣生色 陛下
不拔之爲戚臣樹赤幟而豈恐錮之國家大政
大臣言之疎臣言之宗臣戚臣又言之此清朝

盛事故天下嘉劉御史未嘗不直曷曷固謂御
史當宥 陛下宥御史自不緣曷乃曷言不旣
中乎臣知 陛下必有以待曷矣臣聞 世宗
肅皇帝亦曾譴鄆都尉景和旋以景和請守公
主墓予環 皇上勤法 皇祖豈景和可徵恩
皇祖而 陛下忍終恡于曷臣又聞宗臣克飭
與曷同罪似可並及于寬然臣不知其事獨以
與曷同上遂妄及之至若監生陸宗本生員劉
如砥皆素有名行曷之封事實不關兩生倘念

匹夫啻冤亦于天和則又當並議准復者非臣
所敢必也臣仰見皇上篤念同氣而曷屬肺
腑懿親故敢掇拾瑣細以動天慈若其材識
可克任使尚不當約結于爵祿而况併其爵祿
奪之伏乞俯念懇恩不當久怒肺腑不當終遠
早霽天慈大曠聖度特賜召還與宗臣同獲
名爵其光益聖德無涯矣

擬禦安邊疏

臣聞盛世不襲安而忽意外之防謀臣不避忌而忘局外之慮是故防謹于所已安而慮嚴于所必忌若夫情形旣露而爲衆意之所及事任在肩而有成局之可按如今之邊務而可不一綜核之也臣觀九邊如藩垣而戰與款相半款者旣不敢言戰而戰者兼言款以稽力克非有遠而五路之雄非有元昊之黠也乃旣以款而兼掠更以掠而挾款我旣以款而畏戰更以

戰而兼款夫款敗必戰卽款不敗何可忘戰故臣請以必戰爲安邊之大要而其機宜方略臣得而畧言之夫邊臣按月歲而上封事樞臣按款數而覆成說振執弩之勇則曰簡外宜先養起距之氣則曰衣食宜備而謹出入之防則曰邊口宜修杜窺伺之巧則曰偵諜宜慎然此文武將吏所得爲而三年無一效者人心喪于款而將不得其人也何也朝廷公以金繒出而市款貢馬來而中外彈冠矣將吏私以金繒入而

市官暮夜投而旌旄蔽日矣以故人心日玩愒
備日弛事日肥戍卒日瘠無論苟旦夕之安
者不肯爲經久之謀卽欲爲經久之謀者亦不
能有旦夕之安蓋人乘機竊之後卽以其情竊
爲成規衆苦振刷之勞反以其振刷爲多事驕
卒脅臂而呼煖吏設阱以待將不能徙戎而能
以巧避持異已者之短長士不能荷戈而能以
狂呼扼風力者之腹背沿至于今非獨將士不
樂于戰也卽督撫之治以惴惴然求畢其局而

徒以節省報耳文非獨督撫不敢定戰也卽中
朝之臣亦惴惴然求消其釁而徒以罷兵解耳
夫天下之寢可痛心者莫大乎支吾于旦夕而
聽其至不可抹之地而今日之寢急者必始察
其將之所由出與喜其將之所爲任今有母錢
數百萬以爲源則懦如鼠而不得不推其斃將
之所由出者臣下得而言也挾金錢數百萬以
爲流則奸如山而不得不付一問其喜于將之何由
任者臣不得而言也則其人以數千萬之金以

內飽欲而攫市金之不服而服計邊乎故臣
爲欲擇廉勇之將當塞納賄之途使與不得爲
之援錢不得爲之神而督撫無儻蕩之才則不
足馭羣力無諳練之識則不足安羣心無豁達
之度則不足合羣策是當得蕩佚簡易敏而有
度者任之然後本兵不輕于推轂而督撫不重
于荒奸則將得人將得人則款與戰爲兩設而
互用曰惟所陳說直一將任耳臣當爲之先日
帷幄之地清則羣府得行其權將帥之任正則

甲士得畢其力是在 皇上與二三大臣日夜
申計之察其所以爲將者而邊計又定也百堵
力千五路曷論哉不然畿甸之流移巖邑之殍
卒一旦橫發乎不虞恐且費勞 聖慮也臣不
勝杞人之憂惟 皇上垂察幸甚

擬緩舉三殿及朝門工程疏

神宗

臣聞聖哲之主不托私于公以實瓊盈之積老
成之臣不議贏于訕以襲太平之觀故天下之
物力克盈而因陋就簡非所以肅朝嘗而爲觀
于天下也天下之民力殫竭而徇名廢實非所
以卹人瘼而彌患于方來也臣觀今天下有易
爲于上而不肯爲其幸于下而不能必徇其名
則以爲不可緩覈其實則以爲不可急者如今
之三殿朝門工程是已夫三殿朝門陛下所

以接羣辟而修庶政也數年來朝講輟而不舉
典禮行而幾罷則以爲是未成之故卽中外大
小臣工咸喁喁曰安得不日成之然臣竊以爲
是可緩也何也被絺綌者不苦鬱燠蓂狐貉者
不畏盛寒有其具者易其備也今天下之財下
出而不得入上入而不肯出將作之開納悉而
氏不應它曹之借索煩而求難給獨有大內之
積可以易其備而臣又竊意 陛下之未肯遽
也何也頻年來未嘗不託言之而卒無一有也

夫將作既不可支而內帑又不肯遽獨有索之
百姓耳素隴之材非無脛而至工役之腹非盡
餽而實 陛下誠思今天下百姓尚堪此乎唐
魏徵曰民欲靜上重擾之民方窮上重蠹之今
之謂已臣觀今天下之民方大病而未蘇調之
以參苓攝之以梁肉尚可以生卽不然而聽其
自息自便而不擾亦可以苟延倘如嚴家之祿
力疾而作豈 惟下不勝其役而上亦不安其
適何也外張之弓易頓方駭之馬難策也臣不

敢擴茅茨之說以久稽大觀亦不敢拾莊麗之
談以徇衆聽惟願陛下緩之緩之者非能延
于今而遺患于後也執大尊以酌天下之人心
體百姓以培無疆之命脉勿藉工程之役而爲
分外之誅求勿信紹璫之口而動已疲之大衆
如瑩精太平臨朝願治則文華武英未嘗不可
聯泰交而布政大于臣民也且如文皇帝時
物力何如今日而三殿之成尚需于後豈今日
之百姓獨不可緩乎臣望陛下仰承文皇

帝愼重之心俯察臣民艱難之意先蘇大病之
民徐修寒暑之具然後一舉而成之未晚也臣
不勝大願

賀光宗皇帝登極表

伏以天錫元符懋衍萬年之景祚帝凝鼎
命丕承一統之洪基漢宗光啓于冲齡華祝載
勤于多福三靈偕聖萬國維新恭惟皇帝陛
下剛健文明仁慈孝友聖緒掲升恒于寶運英
函日月之光華宸元開久大于瑶圖德合乾坤
之易簡昔我皇祖以孫謀爲子翼默貽大業
于雲仍今我皇考借後箸爲前籌親屬諸臣
以堯舜守成致盛正厠成王訪道之年纂大承

庠遠 肅皇帝開天之歲唯繼其志以續緒實
順乎天而應人臣等猥承玉几之丁寧矢佐金
甌于鞏固捧赤文綠字快瞻嘉祉之叶徵仰虎
步龍行預識太平之有象圭璧懽騰萬會城垓
瑞映堯雲伏願出入起居必欽前後左右皆正
膺 列聖無疆之錄邁漢唐宋以爲君體 先
皇未竟之謨兼夏商周而卜曆臣等無任瞻天
仰聖欣躍抃舞之至謹奉表稱賀以聞

擬初勸 光宗皇帝進箋

伏以道隆繼體古今垂久大之經國有長君社稷
稷泰靈長之福惟 聖世洪開大業實天心永
錫元符欽惟 大行皇帝剛健粹精聖神文武
紹天庥于大衛享隆昌四十八年重國本于元
良昭啓佑百千萬世敬惟 皇太子殿下聰明
天挺仁孝性成重繞神樞一索蚤符于出震日
新 聖學大橫適兆于乘乾比受遺謨仰承大
統垂衣裳而天下治莫攀戀于遺弓執球玉而

萬方來同歸誠于主器幽冥叶贊遐邇具瞻伏
願陛下勉體先猷蚤膺寶籙躍天龍于幼海
神淵會合風雲扶帝座于一星繼照光生日
月元首明而三靈協鬯開萬年有道之長聖人
作而萬國咸寧衍列聖無疆之祚

擬二勸 光宗皇帝進箋

伏以九昊祚神明之統元良早繫于人心萬年
垂經久之謨克長式諧于天序方祗受承祧之
託恐久虛憑几之言再瀝丹誠上于宸聽洪
惟我朝功高湯武揚大烈于顯承德邁唐虞沛
深仁于熙洽逮我 大行皇帝明倫察物奮武
揆文執大綱以綏靖華夷緣獨逆而隔綸天地
奉三無于太計重一有于元儲敬惟 殿下文
武英明慈仁孝友燕翼丕承駿命龍潛共叶鴻

猷顧 聖懷之悽愴方深乃羣望之允俞未遽
臣等竊惟民生有主天位難虛惟善繼乃以永
孝思雖聖人不能更舊典伏望深惟遠慮勉抑
哀衷體遺詔而率舊章亟副皇天之眷命守成
業而致盛治下酬黎獻之歡心

擬三勅 光宗皇帝進箋

伏以簡嗣序以元良固以投艱遺大承 先皇
之付託其惟濟世安民既爲國家宗社之遠謀
豈拘士庶尋常之庸行仰于 九五不避再三
諄惟 殿下玉質龍章穆穆早瞻天表月將日
就華華獨懋 聖修頃承恩凡之詞宜踐承祧
之任而孝思罔極謙讓未遑臣等竊惟民非元
后罔以生國有長君遺之福詎敢嗣禹正攀繼
于吾君繼述守文乃善成其舊德况 先皇維

新之末命允屬後人普天待澤之同心頓開
睿慮幾務不容少曠神器寧得久虛倘忍稽顙
命之丁寧孰諒陰之哀慕將 二祖 九宗之
典章可茲抑群臣百姓之惶惑靡寧伏願稍抑
哀情俯徇衆望一統以均萬國重明以照四方

經筵講章

堯典

曰若稽古帝堯曰放勳舜明文思安安允恭克讓光被四表格于上下

古聖君治天下者以唐堯虞舜爲首這書是虞舜時史官所記共五篇總叫做虞書這一篇是記載帝堯治天下的常法叫做堯典曰若是發語之辭稽是考放是至勳是功業欽是敬明是通明文是文理思是

思慮安安是極其安安無所勉強允是實
克是能格是至史臣說如稽考古時帝堯
其治天下的功業極其廣大無處不到所
以謂之放勳然堯之大業總以堯之盛德
欽敬而不輕忽通明而不昏昧文章而有
條理思慮而有裁度延四岳又都出于自
然安而又安不待勉強所以行出來恭敬
是着實恭敬行出來謙讓是重能謙讓堯
有這等盛德所以這盛德之光遠被于東

西南北之表而至于上天下地之間此所以叫做放勳也臣謹按帝堯古今聖主其功業只在心裏欽敬便不敢輕忽天下心裏明白便不爲天下欺蔽心裏有文章應天下便不踴踈心裏有思慮處天下便不漫渙體此四德習到熟處便是安安人主君臨天下極尊極貴却說允恭克讓可見治天下不可一毫忽慢不可一毫驕盈所以這書首說欽字頃我先皇帝屬望

陛下爲堯舜伏惟 陛下法古帝德出入
起居無有不欽臣不勝大願

講至人主君臨天下處 皇上聲然拱
聽至說 先皇帝便忍另父手肅然啟

容真 聖主也倘得日畢愚衷自是

聖明講畢 皇上口宣先生們喫酒飯

亦曰與先生們酒飯 是日初開講用給

事中二員導駕 是晚欽賜採段三表裏

遣中使雨校扛紅筐御使前導及門大紅

段羅紗各一俱胸背白鵲裏一表俱精好

泰昌元年十月十八日

日講官臣孫承宗記

克明俊德以親九族九族既睦平章百姓百

姓昭明協和萬邦黎民於變時雍

這一節書還是說帝堯成大業只在有盛德克是能明便是欽明的明字俊是大親是親愛睦是和睦平是均章是明協是合於是嘆美詞變是變易時字卽是字雍是和史臣說德在人心原能齊家能治國能平天下本自峻大但遮礙于一身私欲不炤顧天下國家便遮礙的小了獨是帝堯心裏欽明別無一物乃能通透齊家治國平天下的大德以這大德去親愛一家九

族那九族就都親愛和睦以這大德去徧
曉那一國內百姓那百姓就都曉的道理
昭然明白以這大德去和合那萬國的黎
民那黎民於哉變易其不雍和的就是雍
和了這等看來帝堯功勲合天下國家都
到所以叫做放勲就此見有天下國家之
責的能爲明君便能爲有德之君以成大

業伏望 聖明留意

此進講時語也及登講筵時念
方有言諱之想又聞

聖語云我尊

主上

了齊侯請義未得詳盡極反覆問陳之義
以親親聘政四就親睦九族處于講義外
至發一番雖未必頻開宸心而一時
天顏悚動若思同事諸臣俱慙欣鼓舞以
爲快云其語曰帝堯德爲聖人尊爲天子
第一件要緊事便重九族決不畧自無說
自家是天子極尊重了便輕疎一家骨肉
所以更要親愛既親愛之便處置一家各得
其所所以一求骨肉相親和睦無有怨心
又曰九族是自己一身爲一族上有高曾
祖父是四族下有子孫曾玄是四族共爲
九族如我皇上內有宮眷戚畹外有
宗室親藩以親是同其好惡同其富貴卽
先遺眷屬務要仁至義盡無使恣縱無使
怨悵大約親族有過夫便約束以禮法親
族有疾苦便聯屬以親愛上端疑供
聽適九五齊謂者安曰今日纔知九族如
何不先做在講章增安奏這是講官臨時

發明遠句書

上日講的明白然講時

端安不快

二十一日進講原以十九日

呈二十日講

以是日頒

郭王兩太后

謚諭而駕又

諸仁智發誓免

遂二十一日

那時進講

此日

天顏覺開臣初進

廷諸臣謝欽

賞彩段表裏

閣臣劉一煥政

詞

上口答知道了

極清審講畢

駕回暖閣諸

臣慈東面直方

故宴忽中使

來宣進字入

則同侍御筆極

飛動寫畢閣

臣頗致贊詞

舉旒嘉勳點頭

稍以語

答諸臣叩頭

跪候

駕回出十

月二十一日

日講官臣孫承宗記

乃命羲和欽若昊天曆象日月星辰敬授人

時

這一節皆是說帝王大政第一要敬天勤

民義是羲氏和是和氏乃掌管天文的欽是敬就是前面欽明的欽字若是順昊是廣大曆是算天數的書象是觀天象的器昊天上帝繫的是日月星辰這日月星辰運行的氣候便是人所作事的時是授頒給意史臣說帝堯要協和萬邦的人民乃命羲氏和氏那掌天文的官欽敬以順那廣遠的天道以曆算日月星辰的數以器觀日月星辰的象然後定人時于曆書敬

謹頒授天下示人以作事之時帝堯政事
首務如此臣謹按天以時授人主人主以
時授天下既敬授便當敬守一日萬幾須
要及時發行臣下奉行須要及時考奏至
于天下百姓既授以時教他依時作事
須要體惜他凡朝廷興作必不可妨害這
人時這纔是敬授意思古帝王勤民正所
以敬天伏望 聖訓留意

臣等若予采驪興曰都共工方鳩僝功

帝曰吁靜言庸遠象恭滔天

這一節書見帝堯知人之哲處采是事卽治天下的禮樂刑政驩兜是臣名都是嘆美辭共工是官名方是且鳩是聚儔是見違是背象是貌滔是漫帝堯旣求總治的人又求分治的人問羣臣說誰爲我訪求能順成事務的人當時有臣驩兜說美哉庭有共工者方且集聚庶事著見成功此似可順成事務者帝堯素知其人因說不

然共工爲人靜居無事極會說話到用宅
時却都違背所言其象貌假做恭敬籠罩
一世若水漫天這等變詐不實的人如何
會順成事務臣就這一節論來帝堯以聖
人在天子之位却不敢好高自用其求賢
分治必博訪羣臣又就驩兜所舉看來可
見賢否各自一類只從舉薦人處便可互
察其賢否帝堯又說靜言庸違可見臣下
所言當據此考奏只責成功便省議論但

不可因庸遠的人便厭棄忠言又說象恭
涵天蓋人臣事君如天天豈可慢所以帝
堯畢竟能察其心術只因帝堯日與臣下
交接講論所以能周察羣臣若使深居偏
信其進人退人必不盡妥就使委盡天下
亦妄生猜忖不但所退之人不服卽所進
之人亦不自安所以我 世宗肅皇帝講
書畢與輔臣評論庭臣輔臣因奏諸時時
宜召大臣質問政事亦可知人臣賢否且

說英明下詔臣下有一言欺蔽無不覺者
我世宗肅皇帝說也着科道待此一段
正合帝堯知人之法我皇上仰遵家法
以法帝堯願留心朝講垂問羣臣便于應
對間察其材品以慰中外仰望

帝曰咨四岳湯湯洪水方割蕩蕩懷山襄陵
浩浩滔天下民其咨有能俾乂

這一段見帝堯勤恤下民孜孜求治之心
四岳是官名湯湯是水之盛割是害蕩蕩

是水之廣懷是包在四面襄是駕出上面
地之大阜曰陵俾是使又是治帝堯說道
我訪問爾四岳大臣如今天下湯湯的大
水橫流方爲下民患害其水蕩蕩然廣大
包括高山襄駕大陵其勢浩浩然泛濫若
漫天的一般念我下民無居無食人人困
苦嗟怨汝諸臣中有能除害救民者我將
任以治水之事臣按天命人主原爲乂安
下民所以帝堯當水患方殷日念下民愁

嘆此正是帝堯所以協和萬邦爲蓋人至
深居于四方利害不見不聞遂多疑心快
意不念民愁以致民怨昔宋宰相李沆條
上災異欲使人主知四方艱難正識得此
意我國家功令凡遇水旱兵荒所司奏聞
輒遣官發帑以安百姓但如今四方多事
災異頻仍加派告蠲之地追逋乞賑之民
下民其咨百倍堯時伏犁我皇上簡任
守牧共圖乂安使天下頌堯之爲君臣不

勝大願

僉曰於鯀哉帝曰吁咈哉方命圯族僉曰是
哉試可乃已帝曰往欽哉九載績用弗成

僉曰是衆口一詞鯀是崇伯名方是違背
命是上令圯是敗族是類异是已廢而强
舉的意思四岳諸人因帝堯訪問治水的
人一齊說道於可以治水惟鯀哉帝堯知
鯀不可用乃嘆說爾以鯀爲可用殊不知
也看來着實不然蓋鯀爲人悻直自用者

違背上命而又傷害同類這等的人豈堪
用哉四岳以鯀爲才又強舉之說道異哉
廷臣無過于鯀者姑試其可用而用之取
其治水而已帝堯不得已用之乃戒曰爾
往治水其欽哉帝堯自家能欽所以見的
天下事謹慎則成放肆則敗其曰欽便是
要祗承上命和合同官然鯀是方命圯族
的人故治水九載功用不能成就正以不
能欽耳夫帝堯明知鯀不可用只爲急於

下民俯仰羣臣之請又久任以盡其才可
見帝堯用人全無成心臣又就此看來人
臣當事識量能包括事外乃可以略理事
中當堯時不有經綸天地之才如何治的
滔天大患如鯀悻悻自用便不能合天下
氣識才能爲用故迄無成功待到用其子
大禹來治其才德既勝而又能與伯益皋
陶諸人共功以此知人臣捍大患成大功
須要有度量容受賢能須要有見識審酌

時勢須要有算計謀略能以所籌策因天地之勢用天下之人以奏成功卽大禹後來以人主治天下其道亦不過如此伏望皇上留意

正月上日受終于文祖在璿璣玉衡以齊七政

上日是朔日文祖是堯的始祖在是察璿是美璿璣以象天體轉運是載七政的節以璿叫做璿璣衡是橫管所以窺璿爲之

叫做玉衡齊是考驗七政是日月與金木
水火土五星天以日月五星分布四時生
成萬物其遲速順逆都有正道便是天的
政事叫做七政史臣說帝舜當日不肯嗣
堯之位不得不攝堯之事乃於正月朔日
受堯事之終于文祖此時堯的事都在舜
了堯之初政莫先于欽若昊天舜於是仰
體帝心首先整頓那觀天的器具察視瑞
璣玉衡以考驗日月五星的經度却要以

天的政爲君的政了這是攝事之初政如此昔我英宗睿皇帝御製觀天之器銘中有曰厥器伊何璿璣玉衡璣象天體衡審天行這便是察璣衡又說懸象在天制器在人測驗推步靡忒毫分這便是齊七政然其意在粵古聖大聖體天施治敬天以心觀天以器又曰惟君勤民事天首務民不失常天其予顧政純于仁天道以政勅銘斯器以勵乎敬方今日曆漸差宜擇

通曉曆法者修治以應我 皇上維新大

政然帝王欽若其精在觀法天如昨所謂
顧諟天之明命其大在以事法天如我

皇上因風鑑示儆便虔告 列祖傳諭尤

邇然須要着實考奏無事虛文 世宗朝

每修省必令具行過事蹟以聞又說日總

萬幾親閱奏章未必盡知民欲夫民欲便

是天心願我 皇上以小民祈天永命

肆類于上帝禋于六宗望于山川徧于羣神

肆是遂類是比類言告祀比于郊祀也禮
是精誠宗是尊四時寒暑日月星辰水旱
這六者皆禮所當尊叫做六宗望是不親
到只遠望而祭之徧是周徧衆神都祭到
舜既攝帝位而觀天矣遂以攝位告于上
下神祇上帝至尊郊祀之禮有嘗今祭告
上帝與郊祀一般于六宗則精誠以祭爲
禮于山川則隨其方向遙望而祭爲望于
有功于民的羣神一一祭之爲徧蓋既攝

帝位便爲天地百神之主故祭典如此臣
按禮記論禮有其舉之莫敢廢也然却不
是虛循故事又不是臨時纔爲虔敬須要
一動念一行政便有上帝在心言我文
皇帝與侍臣論古人郊祀不成禮者說文
中言惟德動天蓋不德亦動天又說祭祀
時因當誠敬亦必平素積累善行乃可以
獲福蓋帝舜簡在帝心不獨一時勤于祭
也皇上上帝大命爲三才宗主嘗學

舜的溫恭允塞便是孟子所謂存其心養其性以事天

輯五瑞既月乃日覲四岳羣牧班瑞于羣后這是史臣記舜攝位覲羣臣之事輯是飲瑞是信五瑞是公侯伯子男五等人所執以爲信的蓋諸侯始封天子授他圭璧以爲誠信曰桓曰信曰躬爲三圭曰穀曰蒲爲二璧既是盡覲是見四岳是四方的諸侯羣牧是九州的伯牧這便是羣后史臣

說舜攝位之初于正月內先徵召天下公侯
伯子男五等諸侯各執瑞信以來朝焉到正
月盡間則四岳九牧漸次而至乃日日覲見
之地有遠近到有後先隨到隨見不必齊一
蓋帝舜初當事任卽濬哲文明豈能盡知方
國利病况岳牧諸臣曾不悉其面貌材具如
何信的人人能了民事所以日日見之如此
周詳如此懇切既見之後遂將所輯五瑞依
舊班賜與他令其各還本國便如初命于舜

一般臣按帝舜攝政方初卽位日集岳牧蓋
岳牧職司民命而爲政之初急欲得民間利
病興除緩急可次第命官爲之我孝宗皇
帝卽位元年吏部侍郎楊守陳奏說詢岳達
聽堯舜之資于外者博伏望于臣下自任來
凡者皆條列地方之事略節口奏又乞于奏
對辭見之際俯降辭色而于時政人才民風
土俗無一不詢無一不知使賢才普集于日
罰我成組要通下情去蒙蔽說朕深居九

重下民安否未能悉知夫 成祖翠庭掃
穴往來民間猶曰深居未知伏望我 皇
上深念之臣等不勝慙慙

肇十有二州封十有二山濬川

自古帝王初卽位必有一番大經綸凡舊
法廢弛便一一修舉舊法未備便一一變
通這一節正是虞舜初卽位時事肇是始
封是表濬是開導先時天下只有冀兗青
徐荆揚豫梁雍九州舜卽位因冀青二州

地方廣大管轄不便于是于冀州中分個
并州又分個幽州蓋疆域既均政教易遍
却又于每州之內各擇一高大之山封表
爲一州之鎮使十二州之瞻仰有在又潞
導十二州之川凡水道不利者卽一一開
通使十二州之脈絡流通于此見帝王經
綸天下皆先立大規模而後法度以維持
其中德澤以浸灌其中我太祖高皇帝
以聖神文武取唐虞以來相傳之土宇山

川投萬世聖子神孫並奔其維持的流
浸灌的德澤 一全昇今天下山川不
土宇如故而德澤未盡普編凡以法度
盡修明伏望我 皇上着實修舉 祖宗
法度便是着實普徇 祖宗德澤臣等
任倦切

乘以典刑流宥五刑鞭笞作官刑并作教刑金
作贖刑肯災肆赦枯終賊刑欽哉欽哉惟刑
之恤哉

象是天象制刑如天垂象以示人叫做象
典是嘗刑卽下五刑是墨劓剕宮大辟流
是遷徙遠方宥是寬宥鞭是以皮作鞭扑
卽今竹片荆條皆是過誤災是不幸肆是
釋放怙是倚恃終是再犯賊是殺恤是憐
憫的意思帝舜設爲墨劓剕宮大辟五樣
嘗刑令人人皆見如天懸日月星辰之象
共犯在五刑而可矜可疑可議者則從造
遠方以寬宥之此外又有鞭刑以警弗若

于政有非刑以言非化于訓其鞭朴輕重
又有情法可議則許他以金納于官贖免
其罪然這等輕重間其偶然錯誤出于無
心的有遭逢不幸陷于有過的便徑從釋
放赦免其罪若依倚勢力敢于作惡或不
改前非至于屢犯則依律治罪或殺或刑
不准宥贖帝所制刑罰酌輕重極其敬慎
欽哉欽哉惟念式死不可復生斷不可再
續若是乎恤念不恐輕哉這書全在史臣

從帝舜酌量輕重處描寫出欽恤的意思
見古人這等用心只是要求其生今人斷
獄也用心却多要求其死然舜只有一片
好生之心雖用刑亦是要安天下意勿令
有罪的與無罪同免勿令無罪的與有罪
同困所以我 成祖文皇帝說決獄貴明
而無滯又說刻吏爲朝廷欲慈于民故人
至欲養好生之心在去刻意在去刻吏
流其工于幽州放驢塊于崇山竄三苗于三

危殆縣于羽山四罪而天下咸服

這一節見聖人以天下之怒爲絲全不着
一毫私意便是欽恤施是發遣放是安置
竄是驅逐殆是拘囚共工驩兜是二臣名
三苗是南蠻之君縣是崇伯幽州崇山三
危羽山是地名都是離朝廷極遠的去處
史臣說舜德好生而刑原是爲天下除害
的如有罪不誅便害天下之生當時有姦
所未誅者四人曰共工曰驩兜曰三苗曰

鯀天下叫做四凶及舜攝位時乃正其法
共工是靜言庸違的發遣于北邊之幽州
驩兜是同惡相濟的安置于南邊之崇山
三苗是特險爲亂的驅逐于西裔之三危
鯀是方命圯族的拘囚于東裔之羽山這
四凶是天下所共惡的舜爲天下除害各
因其罪而罪之天下皆說刑當其罪個個
心悅誠服臣謂人君欲服天下之心在以
明慎服罪人之心我 成祖文皇帝說理

不可生然後刑之則彼雖死無所恨矣
至于罪人無恨天下豈有不服哉成祖又
說理刑必務明慎譬如農人之耘爲去稂
莠也若心不存則視有所不見而并良苗
去之矣夫稂莠不去無以全苗凶人不
去無以全善但只要明慎使實當其功罰
當其罪天下自服

帝曰噫若予工僉曰垂哉帝曰俞咨垂汝共
工垂拜稽首起至往哉汝諧止

國家除器利用莫急于工這一節見帝舜
爲官擇人卽工官不肯輕授若是順工卽
是百工之工垂是臣名共工是供這工的
事及斯伯與是三個臣名諧是和帝舜問
于廷臣說誰能佞順那物理整治我百工
之事者我將任用之羣臣同辭對說有臣
名垂者其人有巧思可當此任帝舜說爾
所舉誠然乃容以命垂說汝共供予之工
爲予若之垂乃下拜稽首讓于及斯及伯

與說這三人皆有才能堪以若工帝舜說
爾言誠然也然共工之任非汝不可汝其
徂任此職以諧和百工而若之夫工于九
官似爲稍輕而帝舜咨訪責成不肯輕授
蓋工雖繁瑣關係亦自不輕且如今天下
兵興幾年矣一切戰守之具如甲冑器械
輜來未備其備者既朽薄不堪卽良將勁
卒何恃不恐方今命工透底製造不妨以
唐虞之專任便得如父如斯如伯與者爲

分任責令心力盡殫于工不以其營財具
盡用于器不以他費日省月試無得事急
不急事緩輒緩臣前望 皇上修明 祖
宗法度正謂下精職掌上課成功法度當
嚴于此等也臣愚觸時感事可任惓惓

帝曰疇若予上下草木鳥獸僉曰益哉帝曰
俞咨益汝作朕虞益拜稽首讓于朱虎熊羆
帝曰俞往哉汝諧

這一節見帝王不忍一物失所必咨訪順

治之人上是山林下是川澤草木鳥獸都
在其中茲是臣名虞是掌山澤的官朱虎
熊熊是四個臣名帝舜又咨訪廷臣說上
而山林下而川澤中間有草木有鳥獸倘
非得人以調理之卽草木鳥獸不得其所
便遊害于百姓汝羣臣誰能爲我順而治
之取之以時用之以節使山澤中草木鳥
獸各遂其生者我將用之羣臣同辭對說
有臣名益者其人可當此任帝舜說爾等

所舉誠然咨汝益汝其作我虞官掌予山
澤以若予草木鳥獸伯益聞命下拜稽首
推讓于朱虎熊羆說此四臣皆可作虞帝
舜說爾言誠然但朕志物于僉謀汝其往
任此職諧和其事可也臣觀古帝王多仁
民愛物後世或因物害民昔宋哲宗朝崇
政殿說書程頤嘗講書罷見哲宗憑檻而
折柳枝頤奏說方春發生不可無故摧折
這便是要若草木的意思又有資政殿學

士韓維讀宋三朝寶訓至真宗不殺羔羊
奏說推其心以及天下則仁不可勝用這
便是要若鳥獸的意思然總是要人主涵
養仁心推及天下其後徽宗朝爲花石綱
歛天下奇花異木珍禽惟獸以盛惑其心
遂至耗散窮人歛天下之怨謐小人欲盜
君權必先中君欲使其心流連玩好更不
念民物安危且使無清明暇日然後已得
以縱惡無忌臣願皇上清心寡欲預養

仁心便可盡人盡物致治唐虞伏惟 皇

正留神省覽

帝曰咨四岳有能典朕三禮兪曰伯夷帝曰
俞咨伯汝作秩宗夙夜惟寅直哉惟清伯拜
稽首讓于夔龍帝曰兪往欽哉

這一節見帝王重典禮之臣咨訪既真更
加勉勵三禮是天地人之禮秩宗是主教
次百神之官夙是早寅是敬直是心無私
曲清是潔淨夔龍是二臣名帝舜說咨問

汝四岳汝知廷臣中有能爲我掌管天地
入三大禮者我將任爲秩宗四岳同辭對
說廷臣中可以任典禮者唯伯夷哉帝舜
說信惟伯夷可當此任也咨汝伯汝當作
我秩宗之官以奉祀天神地祇人鬼必須
每目之間早晚惟加寅敬勿怠勿忽使方
寸之間嘗存正直惟有一清虛心地絕無
物欲汚染這等方可以交于神明而主三
禮之事伯夷聞命下拜稽首讓于夔與龍

說此二人皆可典禮帝舜以二臣雖賢不及伯夷說汝言誠然但典禮重任非汝不可汝其往任此官以致其欽哉夙夜惟寅直哉惟清朕終以望汝矣臣按清之一字始發自唐虞蓋銷磨天下精明之氣惟是不清人主欲天下之清只是令天下小心翼翼各欽厥職無論其精者只士大夫肯以苞苴及門爲恥則人心自清由是朝廷自清世道自清然人主不嚴于激濁則人

心翫翫則不敬不敬則交相爲窳而不清
乃若 皇上一心爲天地神人之主惟是
不邇聲色不妄喜怒不耽玩好不狎愛憎
心嘗湛然虛明便自涵清我 太祖高皇
帝作觀心亭說却慮凝神精一不二又說
天以子民之任付于君如國家命人任守
令之事若不能福民則是棄君之命不敬
孰大焉這說敬字竅爲明切伏惟 皇上
留神體察

孫男之芳編次

卷之十四終